

**S T A T U T**

***MENSE BOSNE I HERCEGOVINE***

*Banja Luka, 14. septembar 2020. godine*

*Na osnovu članova 12 i 18 Zakona o udruženjima i fondacijama Bosne i Hercegovine („Službeni glasnik BiH“, br. 32/01, 42/03, 63/08, 76/11 i 94/16) i članova 23 i 37 Statuta Udruženja Mensa Bosne i Hercegovine, na sjednici održanoj 14.09.2020. godine Skupština Udruženja usvojila je*

## **STATUT MENSE BOSNE I HERCEGOVINE**

### **I OSNOVNE ODREDBE**

#### **Član 1**

Udruženje Mensa Bosne i Hercegovine je udruženje (u daljem tekstu: Udruženje), koje je osnovano odlukom članova Udruženja usvojenoj na Osnivačkoj Skupštini, održanoj dana 26. 04. 2005. godine u amfiteatru Filozofskog fakulteta u Banjoj Luci, u skladu sa Zakonom o udruženjima i fondacijama Bosne i Hercegovine (u daljem tekstu: Zakon).

#### **Član 2**

Ovim Statutom, a u skladu sa članom 12 Zakona, propisuju se:

- naziv, skraćeni naziv i adresa Udruženja,
- ciljevi i djelatnosti Udruženja,
- postupak za primanje i isključivanje članova Udruženja,
- organi Udruženja, način na koji se biraju, ovlaštenja koja imaju, kvorum i pravila glasanja, trajanje mandata, lice ovlašteno da sazove skupštinu, uslovi i način raspuštanja,
- pravila za ostvarivanje, korištenje i raspolaganje sredstvima Udruženja i organ ovlašten za nadzor nad korištenjem tih sredstava,
- način podnošenja finansijskog izvještaja i izvještaja o radu,
- javnost rada,
- postupak za izmjenu i dopunu Statuta, ovlaštenje i način donošenja drugih opštih akata,
- oblik i sadržaj pečata i znaka Udruženja,
- zastupanje Udruženja,
- uslovi i postupak za spajanje, podjelu odnosno prestanak rada,
- postupak za raspolaganje imovinom i drugim sredstvima u slučaju raspuštanja ili prestanka rada Udruženja,
- druga pitanja od značaja za organizaciju i djelovanje Udruženja.

#### **Član 3**

Lice ovlašteno za predstavljanje i zastupanje Udruženja u pravnom prometu je predsjednik Udruženja.

## II NAZIV I SJEDIŠTE

### Član 4

#### *Naziv Udruženja*

Bosanski jezik: Udruženje MENSA Bosne i Hercegovine

Hrvatski jezik: Udruga MENSA Bosne i Hercegovine

Srpski jezik: Удружење МЕНСА Босне и Херцеговине

#### *Skraćeni naziv*

Bosanski jezik: MENSA BiH

Hrvatski jezik: MENSA BiH

Srpski jezik: МЕНСА БиХ

#### *Naziv na engleskom jeziku*

Association of MENSA of Bosnia and Herzegovina

#### *Skraćeni naziv na engleskom jeziku*

MENSA BiH

#### *Sjedište udruženja*

Banja Luka

#### *Adresa*

Ulica Njegoševa 35A, 78 000 Banja Luka

### Član 5

Udruženje će se prilikom poslovanja koristiti srpskim, bosanskim i hrvatskim jezikom, latiničnim i ćiriličnim pismom.

### Član 6

Udruženje ima svojstvo pravnog lica, sa pravima, obavezama i odgovornostima koje proizilaze iz Zakona i ovog Statuta.

Udruženje Mensa BiH je povezano sa Međunarodnom Mensom - Mensa International (IOM).

Mensa BiH koristi ime Mensa i logotip organizacije uz dozvolu Mense International (IOM) i Mense International Limited (MIL), koja je vlasnik imena i znaka Mensa.

Udruženje je dužno pridržavati se Statuta IOM-a i usklađivati svoje akte prema uputstvima IOM-a, ukoliko to nije u suprotnosti sa zakonima i Ustavom Bosne i Hercegovine.

Udruženje ima obavezu izvršavati svoje pravne i finansijske obaveze u skladu sa aktima IOM-a koje donosi Međunarodni Savjet Direktora (IBD).

## III JAVNOST RADA

### Član 7

Rad Udruženja je javan, a organ koji istupa prema javnosti je Predsjedništvo Udruženja.

Predsjedništvo udruženja je dužno omogućiti nadzor nad zakonitošću rada nadležnim

organima vlasti.

Javnost rada Udruženja omogućit će svim članovima nesmetan uvid u obavljanje aktivnosti u svim područjima u kojima djeluje Udruženje, kao i planiranje daljih aktivnosti.

#### **Član 8**

Smatraju se tajnom i ne mogu se saopštavati i objavljivati podaci od značaja za odbranu, bezbjednosni podaci, podaci čija je tajna zagarantovana Ustavom i Zakonom, kao i drugi podaci koje Predsjedništvo udruženja proglasi kao takve.

### **IV PEČAT I ZNAK UDRUŽENJA**

#### **Član 9**

Pečat je okruglog oblika prečnika 30 mm sa znakom Međunarodne Mense u sredini. Na obodu pečata nalaze se skraćeni nazivi Udruženja napisani latiničnim i ćiriličnim pismom, kao i sjedište udruženja napisano latiničnim pismom.

#### **Član 10**

Udruženje može imati više pečata, s tim što svaki mora biti numerisan brojevima. O čuvanju i upotrebi pečata stara se predsjednik Udruženja.

#### **Član 11**

Znak Udruženja je okruglastog oblika u kojem se nalazi znak u obliku slova M od kojih su lijevi i desni krak iste visine, a srednji krak izdužen prama dolje i lociran je u donjem dijelu, koji predstavlja Međunarodnu Mensu.

Iznad znaka M je krug sa elipsom i dvije prave linije koje se u sredini sijeku pod pravim uglom, koji predstavljaju Zemljinu kuglu.

### **V CILJEVI I ZADACI**

#### **Član 12**

Udruženje djeluje na teritoriji cijele Bosne i Hercegovine u skladu sa Zakonom.

Udruženje svoje aktivnosti može obavljati u inostranstvu, a u skladu sa Zakonom.

#### **Član 13**

Ciljevi i djelatnosti Udruženja su:

- pružanje minimalne infrastrukture koja će omogućiti razmjenu informacija i kontakte između članova Mense BiH i članova iz drugih zemalja,
- identifikacija, njegovanje i korištenje ljudske inteligencije za dobrobit čovječanstva,
- pružanje podrške istraživanju prirode, karakteristika i upotrebe inteligencije,
- obezbjeđivanje motivišućeg intelektualnog i društvenog okruženja za svoje članove,
- razmjena ideja putem predavanja, diskusija, objavljivanja magazina, grupa specijalnih interesa i lokalnih, regionalnih, državnih i međunarodnih skupova,
- istraživanje mišljenja i stavova članova, te pružanje podrške istraživačkim

- projektima koji se tiču inteligencije ili Mense, organizovanih unutar Mense BiH, ili izvan nje,
- izdavanje štampanih materijala u skladu sa Zakonom,
  - testiranja inteligencije,
  - Mensa je neprofitna organizacija.

## **VI ODNOSI I SARADNJA SA DRUGIM ORGANIZACIJAMA I UDRUŽENJIMA**

### **Član 14**

Udruženje saraduje sa drugim srodnim ili sličnim organizacijama i udruženjima, kao i sa drugim organima i organizacijama u zemlji i inostranstvu, s ciljem uspješnog i potpunog postizanja postavljenih ciljeva i zadataka.

### **Član 15**

Udruženje može takođe formirati partnerstva sa drugim oblicima udruženja, unija, itd. u zemlji i inostranstvu, u svrhu postizanja ciljeva od zajedničkog interesa. Odluku o formiranju takvih partnerstava donosi Predsjedništvo Udruženja.

## **VII ČLANSTVO**

### **Član 16**

Svaka punoljetna osoba koja je državljanin BiH, ili ima stalno prebivalište u BiH, a koja je postigla rezultat unutar gornja dva procenta opšte populacije na testu inteligencije, koji je odobrilo i nadziralo stručno lice - psiholog Mense Bosne i Hercegovine kojeg je postavilo Predsjedništvo te ovlastila Međunarodna Mensa, može postati član Udruženja.

Članovi Udruženja mogu biti i starija maloljetna lica koja su ostvarila uslove za učlanjenje, a koja, uz potrebne uslove, moraju prilikom upisa u članstvo da prilože i odobrenje roditelja, staraooca ili usvojioca za učlanjenje, u skladu sa Zakonom.

Fizičko lice koje je trajno isključeno iz Mense BiH, Međunarodne Mense ili bilo koje nacionalne Mense nema pravo učlanjenja u Mensu BiH.

### **Član 16a**

U svom članstvu, Udruženje može imati i gostujuće članove.

Statut gostujućeg člana može imati lice koje je na privremenom boravku u BiH, u skladu sa propisima koji regulišu ovu oblast.

Takvo lice mora biti član druge nacionalne Mense.

Gostujući članovi imaju ista prava i obaveze kao članovi Udruženje, osim prava da biraju i budu birani.

Gostujući članovi plaćaju polovinu članarine koju plaćaju članovi Udruženja.

### **Član 17**

Članovi ispunjavaju pristupnicu, kojom prihvataju obavezu učešća u aktivnostima Udruženja i poštovanja odredbi Statuta i programskih ciljeva i aktivnosti Udruženja, kao i odredbi Statuta IOM-a, te odredbi Kodeksa ponašanja Udruženja.

Ispunjavanjem pristupnice i plaćanjem članarine automatski se postaje član Udruženja.

Svaki član dobija člansku kartu.

#### Član 17a

Članovi mogu imati aktivan i pasivan status.

Aktivan status podrazumijeva da je član platio članarinu za tekuću godinu.

Članovi koji u vrijeme održavanja Skupštine imaju pasivan status nemaju pravo glasa na Skupštini.

#### Član 18

Baza članova vodi se elektronski i sadrži sljedeće podatke:

- ime i prezime člana sa adresom prebivališta,
- kontakt člana (telefon, elektronska pošta),
- datum pristupanja i broj pristupnice,
- datum prestanka članstva.

Prihvatanjem Statuta i programskih ciljeva Udruženja, članovi pristaju da se njihove informacije prosljede MIL-u radi usklađivanja baze podataka sa Međunarodnom Mensom.

### VIII PRAVA I OBAVEZE ČLANOVA

#### Član 19

Svaki član Udruženja ima jednaka prava, bez obzira na njegovu polnu, rasnu, religijsku, etničku ili političku pripadnost, u skladu sa Zakonom.

#### Član 20

Članovi Udruženja imaju različite stavove o raznim pitanjima.

Udruženje ne može iznositi stavove svojih pojedinačnih članova kao svoje, niti se može uključiti ili priklanjati bilo kakvoj ideološkoj, filozofskoj ili političkoj akciji.

#### Član 21

Prava članova su:

- da biraju i budu birani u organe Udruženja,
- da im se omogući pravo glasa kada Skupština odlučuje o pitanjima iz svoje nadležnosti,
- da budu informisani o aktivnostima Udruženja i njenih organa,
- da daju prijedloge, mišljenja i primjedbe na rad organa i da budu obaviješteni o donesenim odlukama,
- da učestvuju u postizanju ciljeva.

#### Član 21a

Obaveze članova su:

- da se pridržavaju Statuta Mense BiH i svih internih akata koje je usvojila Skupština,

- da se pridržavaju Statuta IOM-a i poštuju odluke IOM-a, ukoliko ta pravila nisu u suprotnosti sa zakonom i Ustavom BiH,
- uredno plaćaju članarinu,
- dopuste da njihova imena i adrese budu objavljene u skladu sa propisima Mense BiH.

### **Član 22**

Članstvo u Udruženju prestaje:

- samovoljnim istupanjem,
- neplaćanjem članarine,
- isključenjem.

### **Član 23**

Svaki član Udruženja može slobodno istupiti iz članstva.

Sa odlukom člana Udruženja o istupanju iz članstva upoznaje se Predsjedništvo, nakon čega se vrši evidentiranje istupanja.

### **Član 24**

Ukidanje članstva vrši se kada član iz neopravdanih razloga zanemaruje vršenje svojih dužnosti.

Odluku o ukidanju članstva donosi Predsjedništvo, a protiv takve odluke dozvoljena je žalba Skupštini, uz aktivno učešće Ombudsmana.

Odluka Skupštine je konačna.

### **Član 25**

Isključenje iz članstva se vrši u slučaju kada član Udruženja teže povrijedi odredbe ovog Statuta ili drugih pravila Udruženja, ili ako djeluje protivno ciljevima i interesima Udruženja.

Isključenje iz Udruženja povlači sa sobom i opoziv tog člana, ukoliko je izabran na određenu funkciju, odnosno predstavnika Udruženja.

Odluku o isključenju donosi Predsjedništvo, a protiv takve odluke dozvoljena je žalba Skupštini, uz aktivno učešće Ombudsmana propisano ovim Statutom.

Odluka Skupštine je konačna.

## **IX ORGANI UDRUŽENJA**

### **Član 26**

Organi Udruženja su:

- Skupština,
- Predsjedništvo,
- Predsjednik,
- Nadzorni odbor,
- Ombudsman.

Organizacija i procedure, kao i sastav kolektivnih organa uprave se određuju tako da omoguće kolektivno djelovanje, odgovornost i jednakost za sve članove i organe u ostvarivanju njihovih prava, dužnosti i odgovornosti.

## **Skupština**

### **Član 27**

Skupština je najviši organ upravljanja u Udruženju.

Skupštinu čine svi članovi Udruženja.

Skupština Udruženja može biti:

- Redovna,
- Izvanredna,
- Izborna.

Redovna Skupština održava se u pravilu jednom godišnje i ima za cilj kontrolu rada putem razmatranja godišnjeg izvještaja o radu Udruženja.

Izvanredna Skupština saziva se samo u slučaju nepredviđenih teškoća u radu, poremećaja međuljudskih odnosa u organizaciji i drugih okolnosti kada su ugroženi rad i vitalni interesi Udruženja.

Izvanrednu skupštinu moguće je održati i elektronskim putem.

Kvorum potreban za rad Skupštine iznosi 10% od sveukupnog broja punopravnih članova.

Izborna Skupština se može sazvati u okviru redovne ili izvanredne Skupštine.

O svom radu Skupština donosi Pravilnik o radu Skupštine.

### **Član 28**

Poziv za održavanje redovne Skupštine mora se uputiti članovima najmanje 30 dana prije njenog održavanja, zajedno sa definisanim dnevnim redom, te objaviti na internet stranici Udruženja.

Poziv za održavanje sjednice Skupštine može se uputiti i elektronskim putem.

U pozivu se obavezno navodi dnevni red i šalju potrebni materijali za održavanje sjednice.

### **Član 29**

Skupštinu saziva Predsjedništvo, a istom predsjedava predsjednik Skupštine.

Skupštinu je moguće sazvati i na zahtjev jedne trećine članova Skupštine Udruženja.

Izvanrednu Skupštinu mogu sazvati:

- Predsjednik,
- Nadzorni odbor, na osnovu pisanog obrazloženog zahtjeva upućenog Predsjedništvu,
- 1/3 članova, na osnovu pisanog obrazloženog zahtjeva upućenog Predsjedništvu.

### **Član 30**

Radom sjednice Skupštine rukovodi predsjednik Skupštine.

Članovi Skupštine biraju predsjednika Skupštine čiji mandat traje tri godine, sa mogućnošću jednog reizbora.

Ukoliko za vrijeme trajanja mandata predsjedniku Skupštine prestane mandat, na način propisan ovim Statutom, njegovu funkciju privremeno će obavljati predsjednik Udruženja do raspisivanja novih izbora. Izbori se moraju organizovati u roku od 6 mjeseci od preuzimanja funkcije.



### Član 30a

Opšti postupak donošenja odluka Skupštine se primjenjuje prilikom svakog odlučivanja Skupštine o pitanjima iz svoje nadležnosti, osim u slučaju izmjene Statuta i izbora funkcionera.

Prijedlozi odluka se usvajaju većinom glasova punopravnih članova koji su prisutni i glasaju, s tim da je potrebno da najmanje 5% od sveukupnog broja punopravnih članova Mense BiH glasa da bi odluka bila usvojena.

Izuzetno, odluka o izmjenama i dopunama Statuta, odluka o statusnim promjenama i odluke o raspolaganju sa cjelokupnom imovinom Udruženja se usvajaju dvotrećinskom većinom glasova punopravnih članova koji su prisutni i glasaju, s tim da je potrebno da za usvajanje glasa najmanje 20% od sveukupnog broja punopravnih članova Mense BiH.

Odluka o izboru organa Udruženja se usvaja dvotrećinskom većinom glasova punopravnih članova koji su prisutni i glasaju, s tim da je potrebno da za usvajanje glasa najmanje 10% od sveukupnog broja punopravnih članova Mense BiH.

Način izbora funkcionera, kao i sve procedure vezane za dopune i izmjene Statuta detaljnije su regulisani Pravilnikom o radu Skupštine.

### Član 31

Skupština je odgovorna za:

- donošenje, izmjene i dopune Statuta i drugih akata određenih Statutom,
- odlučivanje o pripajanju, razdvajanju, transformisanju, raspuštanju i prestanku rada, kao i o drugim statusnim promjenama Udruženja na način propisan članovima 48 – 53 Statuta,
- imenovanje i razrješenje organa Udruženja i ostalih tijela,
- utvrđivanje programske politike Udruženja,
- razmatranje i usvajanje izvještaja organa Udruženja,
- usvajanje finansijskog plana i odobravanje konačnog godišnjeg finansijskog izvještaja,
- usvajanje programa aktivnosti,
- odlučivanje o godišnjem iznosu članarine,
- usvajanje svih odluka vezanih za rad Udruženja koje nisu u nadležnosti Predsjedništva ili Predsjedavajućeg,
- usvajanje odluka o prestanku rada Udruženja,
- odlučivanje o svim drugim pitanjima koja nisu u nadležnosti drugih tijela Udruženja.

### Predsjedništvo

### Član 32

Predsjedništvo je kolektivni organ od pet članova kojeg bira Skupština i koji rukovodi radom Udruženja. Članovi Predsjedništva su ujedno i rukovodioci radnih timova Mense BiH.

Mandat članova Predsjedništva traje tri godine sa mogućnošću reizbora, neograničeno, osim Predsjednika kojim ima pravo reizbora u skladu sa članom 34 Statuta.

Sve odluke Predsjedništvo donosi natpolovičnom većinom glasova sveukupnog broja punopravnih članova.

Članovi Predsjedništva ne mogu biti osobe koje su politički angažovane.

O svom radu Predsjedništvo donosi Pravilnik o radu Predsjedništva.

### **Član 32a**

Ukoliko u trajanju mandata jednom od članova Predsjedništva prestane mandat, na način propisan ovim Statutom, Predsjedništvo će iz redova članova Skupštine izvršiti izbor v.d člana čiji mandat traje do sljedećih izbora, a ne duže od 6 mjeseci od dana izbora v.d. člana.

Ako istovremeno prestane mandat više od 50% članova Predsjedništva na način propisan ovim Statutom, raspisaće se novi izbori za članove Predsjedništva u skladu sa odredbama Statuta.

### **Član 33**

Nadležnost Predsjedništva:

- priprema sjednice Skupštine,
- priprema i predlaže izmjene i dopune Statuta i drugih akata koje donosi Skupština,
- sprovodi politiku, zaključke i druge odluke donesene od strane Skupštine,
- upravlja imovinom Udruženja,
- podnosi finansijski izvještaj i izvještaj o radu Udruženja Nadzornom odboru i Skupštini i to najkasnije mjesec dana prije održavanja Godišnje Skupštine,
- određuje koji se dokumenti smatraju službenom tajnom,
- uspostavlja kontakte i saraduje sa međunarodnim i domaćim organizacijama u zemlji i inostranstvu, kao i sa predstavnicima vlasti,
- vodi dokumentaciju, poslovne knjige i druge evidencije i time obezbjeđuje pravilan uvid u poslovanje nadležnim organima i donatorima,
- formira druga tijela neophodna za rad Udruženja,
- rješava druga pitanja koja su ovim Statutom i drugim aktima stavljena u njegov djelokrug rada.

Predsjedništvo dostavlja Nadzornom odboru finansijski izvještaj najkasnije mjesec dana prije održavanja Godišnje Skupštine. Nadzorni odbor razmatra izvještaj najkasnije 15 dana nakon prijema izvještaja i dostavlja svoj odluku Predsjedništvu.

### **Predsjednik**

#### **Član 34**

Predsjednika Udruženja bira i razrješava Skupština iz reda Predsjedništva.

Predsjednik Udruženja je ujedno i predsjednik Predsjedništva.

Mandat predsjednika Udruženja traje tri godine, sa mogućnošću jednog reizbora.

Predsjednik Udruženja za svoj rad odgovara Skupštini u skladu sa zakonskim propisima, ovim Statutom i ostalim aktima Udruženja.

#### **Član 34a**

Ukoliko u toku trajanja mandata, na način propisan Statutom, prestane mandat Predsjedniku Udruženja, ostali članovi Predsjedništva će iz svojih redova izabrati v.d.

Predsjednika, čija funkcija traje do raspisivanja novih izbora. Izbori se organizuju u skladu sa odredbama Statuta, a moraju se održati najkasnije u roku od 6 mjeseci od imenovanja v.d. Predsjednika.

### **Član 35**

Predsjednik Udruženja:

- predstavlja i zastupa Udruženje u pravnom prometu,
- potpisuje akte iz svoje nadležnosti,
- donosi pojedinačne akte iz svoje nadležnosti,
- organizuje, saziva i vodi sastanke Predsjedništva,
- organizuje i saziva sastanke Skupštine,
- naredbodavac je u izvršenju finansijskog plana,
- vodi poslovanje i donosi odluke u okviru programa rada i planova razvoja Udruženja,
- odgovoran je za zakonitost i poslovanje,
- izvršava druge zadatke koji mu se povjere.

### **Ombudsman**

#### **Član 36**

Ombudsman je punopravni član Udruženja, kojeg bira i razrješava Skupština. Mandat Ombudsmana traje četiri godine sa mogućnošću ponovnog izbora. Ukoliko Ombudsmanu, na način propisan ovim Statutom, prestane mandat, Predsjedništvo će imenovati novog v.d. Ombudsmana čiji mandat traje do novih izbora.

#### **Član 37**

Ombudsman je ovlašćen da posreduje, savjetuje i arbitrira u sporovima unutar Udruženja.

Ombudsman je ovlašćen i da u ime Skupštine razmatra žalbe, utvrđuje činjenice i prikuplja dokaze u vezi sa sporovima, a po potrebi predlaže Predsjedništvu angažovanje nezavisnog arbitra prihvatljivog svim stranama u sporu.

Ombudsman može da daje svoje mišljenje, koje dostavlja Predsjedništvu.

#### **Član 38**

Ombudsman može imati jednog ili više pomoćnika koji su punopravni članovi Udruženja i koje imenuje Ombudsman.

Pomoćnici pomažu Ombudsmanu u radu, ali nemaju pravo da donose odluke u ime Ombudsmana.

### **Nadzorni odbor**

#### **Član 39**

Nadzorni odbor se osniva za kontrolisanje aktivnosti upravnih organa Udruženja, kontrolu materijala i finansijskog djelovanja .

Odbor ima tri člana koje bira Skupština, a njihov mandat traje tri godine.

Predsjednika Nadzornog odbora članovi biraju između sebe.

Predsjednik saziva sastanke Nadzornog odbora i predsjedava sastancima.

Nadzorni odbor donosi odluke dvotrećinskom većinom glasova svih članova.

#### **Član 39a**

Ukoliko bilo kom članu Nadzornog odbora prestane mandat, na način propisan Statutom, Predsjedništvo će imenovati novog v.d. člana čiji mandat traje do novih izbora.

Ukoliko mandat prestane više od polovini broja članova Nadzornog odbora, na način propisan Statutom, mandat prestaje svim članovima, a Predsjedništvo ima obavezu da organizuje nove izbore za članove Nadzornog odbora u skladu sa odredbama ovog Statuta.

#### **Član 40**

Nadzorni odbor raspravlja i kontroliše:

- sprovođenje odredaba ovog Statuta i dodatnih pravnih akata,
- ostvarivanje prava i odgovornosti svih tijela Udruženja,
- materijalne i finansijske djelatnosti,
- sprovođenje odluka, zaključaka, dogovora i ostalih akata, te
- izvršava ostale zadatke koji su u njegovoj nadležnosti.

#### **Član 41**

Nadzorni odbor je dužan da preventivno utiče na tijela i članove Udruženja u vezi sa mogućim nepravilnostima u radu Udruženja.

Nadzorni odbor ima pravo i obavezu da upozori Skupštinu o primijećenim pojavama i o svom stavu povodom istih.

Ako se upozorenje ne razmotri na sjednici Skupštine u roku od 30 dana od dana dostavljenog pismenog upozorenja i nepravilnosti ne otklone, može se podnijeti tužba nadležnom sudu, u skladu s odredbama Zakona.

### **X FINANSIJSKA SREDSTVA UDRUŽENJA**

#### **Član 42**

Za sprovođenje ciljeva i zadataka Udruženja, koriste se neophodna materijalna i finansijska sredstva, koja se mogu ostvariti i koristiti samo po odredbama zakona i ostalih odluka usvojenih na osnovu ovog Statuta.

#### **Član 43**

Kao neprofitna organizacija, Udruženje prikuplja finansijska sredstva samo od:

- članarina o čijoj visini odlučuje Skupština,
- dobrovoljnih priloga i poklona javnih institucija, fizičkih i pravnih lica, kako stranih tako i domaćih, u gotovini, uslugama ili imovini bilo koje vrste,
- državnih subvencija i ugovora sa državom, javnim institucijama, fizičkim i pravnim licima, kako domaćim tako i stranim,
- prihoda od kamata, dividendi, dobiti kapitala, zakupnina, honorara i sličnih izvora pasivnih prihoda,
- prihoda stečenih kroz ostvarivanje ciljeva i aktivnosti Udruženja, u skladu sa Statutom.

#### **Član 44**

Sredstva Udruženja određuju se i raspoređuju kroz plan Udruženja. Sredstva u finansijskom planu određuju se na osnovu vrste prihoda, a raspoređuju na osnovu svrhe u vezi sa ciljevima, zadacima, programom rada i finansijskim planom Udruženja.

#### **Član 45**

Finansijski plan i godišnji finansijski izvještaj usvajaju se na Skupštini svake kalendarske godine, u skladu sa Zakonom.

Udruženje je obavezno da, u skladu sa propisima kojima se uređuje računovodstvo neprofitnih organizacija, podnese izvještaj o finansijskom poslovanju nadležnim organima Bosne i Hercegovine.

Finansijski planovi i izvještaji čuvaju se u arhivi Udruženja najmanje pet godina nakon usvajanja istih od strane Skupštine.

Za svoje obaveze, Udruženje odgovara cjelokupnom imovinom.

#### **Član 45a**

Predsjedništvo je organ odgovoran za vođenje arhive, koja se čuva u elektronskoj formi, dok se originali dokumenata u pisanoj formi čuvaju u skladu sa zakonom.

U arhivi se čuvaju sljedeći dokumenti:

- Statut sa svim izmjenama i dopunama,
- Odluke i zapisnici svih organa Udruženja,
- Materijali u vezi sa glasanjem,
- Spiskovi članova,
- Podaci o testiranjima,
- Ugovori,
- Finansijski dokumenti.

#### **Član 46**

Predsjedništvo može odlukom odrediti odgovarajuću nadoknadu za pokriće troškova licima kojima je povjereno obavljanje pojedinih poslova i zadataka u cilju ostvarivanja statutarnih ciljeva Udruženja.

#### **Član 47**

Licima sa izbornim funkcijama, u skladu sa propisima MIL-a, ne može se odrediti novčana naknada za njihov rad u obavljanju povjerenih zadataka i poslova iz djelokruga Mense, ali im se može odrediti odgovarajuća nadoknada za pokriće troškova koje imaju u obavljanju povjerenih im poslova i zadataka.

### **XI STATUSNE PROMJENE, TRAJANJE I PRESTANAK RADA**

#### **Član 48**

Udruženje se može spojiti sa drugim udruženjem.

Udruženje se može spojiti samo sa drugim Mensom, u skladu sa propisima MIL-a.

Pod spajanjem se podrazumijeva osnivanje novog udruženja na koje prelazi

cjelokupna imovina udruženja koja se spajaju.  
Spajanjem udruženja ista prestaju da postoje, a na osnivanje novog udruženja primjenjuju se odredbe Zakona koje se odnose na osnivanje udruženja.

Udruženje se može podijeliti na dva ili više udruženja.  
Podijeljeno udruženje prestaje da postoji, a na postupak upisa novonastalih udruženja primjenjuju se odredbe Zakona koje se odnose na osnivanje udruženja.

Udruženje se može transformisati, u skladu sa Zakonom.  
Udruženje se može udružiti u savez ili zajednicu udruženja, ako se time pridonosi boljem postizanju ciljeva njenog djelovanja.

Odluka o statusnim promjenama udruženja usvaja se dvotrećinskom većinom glasova punopravnih članova koji su prisutni i glasaju, s tim da je potrebno da za usvajanje glasa najmanje 20% od sveukupnog broja punopravnih članova Mense BiH.

Prije donošenja odluke o bilo kojoj navedenoj transformaciji, udruženje treba dobiti pisanu saglasnost IOM-a.

#### **Član 49**

Udruženje može osnovati podružnicu ili kancelariju izvan svog sjedišta, radi promocije statutarnih ciljeva.  
Podružnice i kancelarije nemaju svojstvo pravnog lica.

#### **Član 50**

Udruženje ni u kom slučaju neće stupati u statusne ili ugovorne oblike povezivanja koji bi na bilo koji način ugrozili osnovne programske ciljeve zbog kojih je osnovano.

#### **Član 51**

Udruženje će trajati sve dok za to budu postojali zakonski uslovi, ili dok Skupština Udruženja ne donese odluku o prestanku rada Udruženja.

Udruženje prestaje s radom u slučajevima kada:

- Udruženje donese odluku o prestanku rada ili odluku o spajanju i podjeli Udruženja dvotrećinskom većinom glasova svih članova Skupštine Udruženja,
- se utvrdi da je Udruženje prestalo djelovati.

Udruženje prestaje djelovati u sljedećim slučajevima:

- kada je proteklo dvostruko više vremena od vremena utvrđenog Statutom Udruženja za održavanje Skupštine, a ista nije održana,
- kada se broj članova Udruženja smanji ispod broja tri, a nadležni organ Udruženja u roku od tri mjeseca od nastupanja ove okolnosti ne donese odluku o prijemu novih članova Udruženja.

Lice ovlašteno za zastupanje Udruženja dužno je, u roku od 30 dana od dana kada je Udruženje prestalo djelovati u skladu sa Statutom, dostaviti Ministarstvu zahtjev sa dokazima o prestanku rada.

#### **Član 52**

U slučaju da prestane sa radom, imovina Udruženja prvenstveno se raspoređuje:

- na izmirenje zakonskih i ugovornih obaveza,
- povrat sredstava prema ugovorima o donatorstvu, sponzorstvu, poklonu, pozajmici, implementiranju i dr. u dijelu koji je kategorisan kao "planirana, a neutrošena sredstva".

Ostatak sredstava nakon izmirenja obaveza iz stava 1 prenosi se na raspolaganje humanitarnoj ili drugoj organizaciji koja preuzima dalje vršenje programskih zadataka Udruženja nakon njegovog prestanka sa radom.

U slučaju nepostojanja pravnog nasljednika sredstva se poklanjaju u humanitarne svrhe.

### **Član 53**

Po prestanku rada Udruženja, izvršiće se popis cjelokupne imovine Udruženja, sastaviti likvidacioni balans, podmiriti finansijske obaveze, a nepokretna imovina Udruženja prenijeće se na upravljanje organizaciji koja preuzima poslove i zadatke Udruženja, ili u humanitarne svrhe.

Odluka o imovini udruženja usvaja se dvotrećinskom većinom glasova punopravnih članova koji su prisutni i glasaju, s tim da je potrebno da za usvajanje glasa najmanje 20% od sveukupnog broja punopravnih članova Mense BiH.

## **XII PRELAZNE I KONAČNE ODREDBE**

### **Član 54**

Inicijativu za izmjenu Statuta mogu pokrenuti:

- organi Udruženja,
- 1/3 članova Skupštine.

Inicijative za izmjene Statuta podnose se Predsjedništvu.

Odluka o izmjenama i dopunama Statuta, usvaja se dvotrećinskom većinom glasova punopravnih članova koji su prisutni i glasaju, s tim da je potrebno da za usvajanje glasa najmanje 20% od sveukupnog broja punopravnih članova Mense BiH.

### **Član 55**

Članovi koji imaju spor u okviru Udruženja, ili sa nekim članom zbog aktivnosti povezanih sa Udruženjem, iscrpiće sve načine rješavanja i pomirenja u okviru organizacije prije nego se spor prenese na vanjske vlasti.

Namjerno odbijanje da se ovako djeluje smatraće se štetnim po Udruženje.

### **Član 56**

Statut će se promijeniti u svim slučajevima kada se utvrdi da nije u skladu sa pozitivno-pravnim propisima BiH, kao i sa propisima IOM-a.

Svi neophodni akti za rad Udruženja usvojiće se u roku od 90 dana od dana upisa u registar kod nadležnog organa.

### **Član 57**

Tumačenje odredbi ovog Statuta vrši Skupština Udruženja.

### **Član 58**

Ovaj Statut stupa na snagu danom njegovog donošenja.

### **Član 59**

Usvajanjem ovog Statuta, prestaje da važi Statut usvojen na osnivačkoj Skupštini dana 24.05.2005. godine.

Broj: 01/20

Datum: 14.09.2020. godine

Predsjednica Skupštine  
Sunita Selak